

Pecyn Cyhoeddus

Rhybudd o Benderfyniadau **Cyfarfod y Cabinet** a gynhaliwyd yn Siambr y Cyngor, Neuadd Cyngor Ceredigion, Penmorfa, Aberaeron ac o bell ar **Ddydd Mercher, 17 Gorffennaf 2024**

Cyhoeddir y Rhybudd hwn am 5.00pm Dydd Gwener, 19 Gorffennaf 2024. Y dyddiad olaf i dderbyn cais i alw unrhyw benderfyniad i mewn yw 5.00pm Dydd Gwener, 26 Gorffennaf 2024 drwy ei anfon at Bennaeth y Gwasanaethau Democrataidd. Daw'r penderfyniadau i rym (os na fydd yna gais dilys i'w galw i mewn) Dydd Llun, 29 Gorffennaf 2024.

YN BRESENNOL: Y Cynghorydd Bryan Davies (Cadeirydd), y Cynghorwyr Catrin M S. Davies, Clive Davies, Gareth Davies, Wyn Thomas, Matthew Vaux ac Alun Williams.

HEFYD YN BRESENNOL: Y Cynghorwyr Euros Davies, Marc Davies, Amanda Edwards, Elizabeth Evans, Eryl Evans, Gwyn Wigley Evans, Keith Evans, Raymond Evans, Rhodri Evans, Wyn Evans, Hugh Hughes, Gareth Lloyd, Ceris Jones ac Ann Bowen Morgan.

(10.00am- 12.55pm)

20 Ymddiheuriadau

- i. Ymddiheurodd y Cynghorydd Keith Henson, Aelod Cabinet ar gyfer Prifffyrdd a Gwasanaethau Amgylcheddol a Rheoli Carbon am nad oedd yn gallu bod yn bresennol yn y cyfarfod.
- ii. Ymddiheurodd James Starbuck, Cyfarwyddwr Corfforaethol am nad oedd yn gallu bod yn bresennol yn y cyfarfod.

21 Materion Personol

- i. Ymddiheurodd y Cynghorydd Bryan Davies, Arweinydd y Cyngor ac Eifion Evans, Prif Weithredwr am yr anawsterau a brofwyd gan y Gwasanaeth Casgliadau Gwastraff yn ne'r sir. Cydnabuwyd bod heriau yn y gwasanaeth, a bod mesurau ar waith i fynd i'r afael â hyn.
- ii. Llongyfarchwyd y seiclwr Josh Tarling a Stevie Williams ar gael eu dewis i gynrychioli Tîm Prydain Fawr yng Ngemau Olympaidd Paris 2024.
- iii. Cydymdeimlwyd â theulu Charles Arch a fu farw'n ddiweddar.
- iv. Cydymdeimlwyd â'r Cynghorydd Bryan Davies, Arweinydd y Cyngor a'r golli ei dad. Diolchodd yr Arweinydd i bawb am eu cefnogaeth yn ystod y cyfnod anodd hwn.

22 Datgelu buddiannau personol / buddiannau sy'n rhagfarnu

Datganodd y Cynghorydd Rhodri Evans fuddiant personol mewn perthynas ag eitem 27.

23 Cadarnhau Cofnodion Cyfarfod Blaenorol y Cabinet ac unrhyw faterion sy'n codi o'r Cofnodion hynny

Cadarnhau bod cofnodion Cyfarfod y Cabinet a gynhaliwyd ar 3 Mehefin 2024 yn gywir.

Materion yn codi: Nid oedd materion yn codi o'r cofnodion.

24 Unrhyw ddeisebau a dderbyniwyd- "Save our Library! Achubwch ein Llyfrgell!"

Nodwyd bod y ddeiseb uchod wedi dod i law ac y byddai'n cael ei thrin yn unol â'r canllawiau yn y Protocol Deisebau.

25 Unrhyw benderfyniadau (os oes rhai) a alwyd i mewn gan y Pwyllgorau Trosolwg a Chraffu

Dim.

26 Unrhyw adborth gan y Pwyllgorau Trosolwg a Chraffu sydd ddim ar yr agenda

Dim.

27 Ystyried Adroddiad y Swyddog Arweiniol Corfforaethol Porth Gofal ynghylch Argymhelliad Tendir Cylch Caron

PENDERFYNIAD:

1. Cymeradwyo bod y Cyngor yn ymrwymo i'r Gweithredoedd Amrywiad y Cytundeb Cydweithio drafft (fel y'u cyflwynwyd yn Atodiad 1 o'r adroddiad) a rhoi awdurdod i'r Swyddog Arweiniol Corfforaethol – Porth Gofal wneud mân newidiadau i'r Gweithredoedd Amrywiad.
2. Cymeradwyo cynnwys y maes parcio a ddangosir gydag ymyl las yn y cynllun sydd ynghlwm (Atodiad 3) i'r adroddiad o fewn prif brydles safle Cylch Caron ar y telerau a nodir yn y Cytundeb Datblygu (Atodiad 2).
3. Cymeradwyo Cytundeb Datblygu Cylch Caron (fel y'i cyflwynwyd yn Atodiad 2 o'r adroddiad).
4. Dirprwyo awdurdod i'r Swyddog Arweiniol Corfforaethol – Porth Gofal i wneud mân newidiadau i'r Cytundeb Datblygu (Atodiad 2).
5. Cymeradwyo'r dogfennau tendro (Atodiad 4) ar y cyd gyda Bwrdd Prosiect Cylch Caron ac i barhau gyda'r broses tendro fel y cynigir.
6. Nodi cais y Cabinet i'r Aelod Lleol fynychu Bwrdd Prosiect Cylch Caron fel arsyllydd a thrafod y cynnig gyda Bwrdd Iechyd Prifysgol Hywel Dda.

Y rheswm dros y penderfyniad:

Er mwyn hwyluso penderfyniad y Cyngor i fwrw ymlaen â phrosiect Cylch Caron.

28 Ystyried Adroddiad y Swyddog Arweiniol Corfforaethol Porth Cynnal ynghylch y Polisi Diogelu Corfforaethol

PENDERFYNIAD:

Mabwysiadu'r Polisi Diogelu Corfforaethol (atodiad 1) fel y ddogfen ddiffiniol i sicrhau bod Ceredigion yn sefydliad diogel ac yn cydnabod ei gyfrifoldebau i ddiogelu plant ac oedolion sy'n wynebu risg.

Y rheswm dros y penderfyniad:

- Mae'n hanfodol bod y Cyngor yn darparu fframwaith polisi i ddiogelu pobl sy'n cyflenwi gwasanaethau ar ran yr Awdurdod Lleol.
- Mae'r Polisi Diogelu Corfforaethol diwygiedig yn defnyddio'r canllawiau a'r ddeddfwriaeth berthnasol a chyfredol.

29 Ystyried Adroddiad y Swyddog Arweiniol Corfforaethol Porth Cynnal ynghylch y Gorchmynion Gwarcheidiaeth Arbennig gydag adborth gan y Pwyllgor Trosolwg a Chraffu

PENDERFYNIAD:

1. Cymeradwyo Polisi Gorchmynion Gwarcheidiaeth Arbennig (Atodiad 1).
2. Cymeradwyo Polisi Ariannol y Gorchmynion Gwarcheidiaeth Arbennig (Atodiad 2).
3. Dirprwyo awdurdod i'r Cyfarwyddwr Gofal Cymdeithasol Statudol i weithredu'r polisi a'r adolygiad newydd yn flynyddol.
4. Nodi adborth y Pwyllgor Trosolwg a Chraffu Cymunedau Iachach.

Y rheswm dros y penderfyniad:

Alinio â Rheoliadau Gwarcheidwaeth Arbennig (Cymru) (Diwygio) 2018 a Chod Ymarfer Gwarcheidiaeth Arbennig ar arfer swyddogaethau'r gwasanaethau cymdeithasol mewn perthynas â gorchmynion Gwarcheidiaeth Arbennig 2018.

30 Ystyried Adroddiad y Swyddog Arweiniol Corfforaethol Economi ac Adfywio ynghylch y Rhaglen Gweithgareddau Strategol / Rali Ceredigion – cefnogaeth CSC

PENDERFYNIAD:

Cytuno i warantu hyd at £250mil ychwanegol ar gyfer digwyddiad Rali Ceredigion 2024, gydag unrhyw wariant yn erbyn y swm hwn i'w dystiolaethu'n briodol, ac wedi'i ariannu o'r Gronfa Hybu'r Economi, Cefnogi Busnesau a Galluogi Cyflogaeth, wrth gefn.

Y rheswm dros y penderfyniad:

Er mwyn cefnogi cyflwyno'r rhaglen weithgareddau yng Ngheredigion a galluogi cynnal Rali Ceredigion llwyddiannus yn 2024 fel rownd o'r Bencampwriaeth Rali Ewrop.

31 EITEM EITHRIEDIG

Nid yw'r adroddiad sy'n ymwneud ag eitem 30 ar yr agenda, Atodiad 1, i'w gyhoeddi gan ei fod yn cynnwys gwybodaeth eithriedig fel y'i diffinnir ym mharagraff 14 o Ran 4 o Atodlen 12A i Ddeddf Llywodraeth Leol 1972 fel y'i diwygiwyd gan Orchymyn Llywodraeth Leol (Mynediad at Wybodaeth) 5 (Amrywio) (Cymru) 2007. Os bydd y Cyngor yn penderfynu ystyried yr eitem hon yn breifat, ar ôl cynnal prawf budd y cyhoedd, caiff y cyhoedd eu heithrio o'r cyfarfod yn ystod y drafodaeth honno, yn unol ag Adran 100B(2) o'r Ddeddf.

Gofynnwyd i'r Aelodau wrth ddelio â'r eitem, ystyried a ddylai'r eitem barhau i fod wedi'i heithrio ac a ddylid gwahardd y cyhoedd a'r wasg o'r Cyfarfod.

PENDERFYNIAD:

Ar ôl ystyried prawf budd y cyhoedd, y dylai'r eitem barhau i fod wedi'i heithrio.

Peidio gwahardd y cyhoedd a'r wasg o'r cyfarfod.

Y rheswm dros y penderfyniad:

Ni thrafodwyd y ddogfen yn gyhoeddus.

32 Ystyried Adroddiad y Swyddog Arweiniol Corfforaethol Dysgu Gydol Oes ynghylch Adroddiad Monitro Blynyddol Safonau'r Gymraeg 2023-24

PENDERFYNIAD:

- Derbyn a chymeradwyo'r Adroddiad Monitro Blynyddol Safonau'r Gymraeg Cyngor Sir Ceredigion 2023-24.
- Cymeradwyo cyhoeddi'r adroddiad ar wefan corfforaethol y Cyngor yn unol â'r ddyletswydd statudol.
- Cyflwyno'r adroddiad at sylw Comisiynydd y Gymraeg.

Y rheswm dros y penderfyniad:

Dyletswydd Statudol Rheoliadau Safonau'r Gymraeg, yn unol â Mesur y Gymraeg (Cymru) 2011.

33 Ystyried Adroddiad y Swyddog Arweiniol Corfforaethol Dysgu Gydol Oes ynghylch Cyflwyno Strategaeth Hybu'r Iaith Gymraeg

PENDERFYNIAD:

Cymeradwyo cynnal ymgynghoriad cyhoeddus yn ystod Gorffennaf ac Awst 2024 ynghylch Strategaeth Ddrafft Hyrwyddo'r Gymraeg Cyngor Sir Ceredigion ar gyfer 2024-29.

Y rheswm dros y penderfyniad:

Mae Safon 145 yn gosod dyletswydd ar y Cyngor Sir i ddatblygu a chyhoeddi strategaeth 5 mlynedd sy'n esbonio sut mae'r Cyngor yn bwriadu hybu'r Gymraeg a hwyluso defnydd y Gymraeg o fewn yr ardal ehangach.

34 Ystyried Adroddiad y Swyddog Arweiniol Corfforaethol Ysgolion ynghylch Cynrychiolwyr yr Awdurdod Lleol ar Gyrrff Llywodraethol

PENDERFYNIAD:

Cadarnhau enwebu'r sawl a enwir yn yr adroddiad yn gynrychiolwyr o'r Awdurdod Lleol ar Gyrrff Llywodraethol yr Ysgolion perthnasol.

Y rheswm dros y penderfyniad:

Enwebu cynrychiolwyr o'r Awdurdod Lleol ar Gyrrff Llywodraethol.

35 Ystyried Adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Asesiad Perfformiad Panel - Cytuno ar Aelodaeth y Panel

PENDERFYNIAD:

Cymeradwyo Aelodaeth arfaethedig y Panel.

Y rheswm dros y penderfyniad:

Sicrhau cydymffurfiaeth â Rhan 6 o Ddeddf Llywodraeth Leol ac Etholiadau (Cymru) 2021.

36 Ystyried Adroddiad y Swyddog Arweiniol Corfforaethol Cyllid a Chaffael ynghylch y Rhaglen Gyfalaf Aml-flwyddyn - 2024/25-2026/27

PENDERFYNIAD:

Cymeradwyo'r Rhaglen Gyfalaf Aml-flwyddyn ddiwygiedig ar gyfer y cyfnod rhwng 2024/25 a 2026/27, fel y'i hamlinellir yn Atodiad A.

Y rheswm dros y penderfyniad:

Er mwyn cymeradwyo'r Rhaglen Gyfalaf Aml-flwyddyn ddiweddaraf.

- 37 **Nodi Adroddiad y Swyddog Arweiniol Corfforaethol Cyllid a Chaffael ynghylch Adroddiad Alldro Cyfalaf 2023/24**
Nodwyd yr adroddiad.
- 38 **Nodi Adroddiad y Swyddog Arweiniol Corfforaethol Cyllid a Chaffael ynghylch Alldro'r Gyllideb Refeniw Reoladwy 23/24**
Nodwyd yr adroddiad.
- 39 **Nodi Adroddiad y Swyddog Arweiniol Corfforaethol Cyllid a Chaffael ynghylch Perfformiad Rheoli'r Trysorlys 2023/24**
Nodwyd yr adroddiad.
- 40 **Nodi Adroddiad y Swyddog Arweiniol Corfforaethol Cyllid a Chaffael ynghylch Grantiau a ddyfarnwyd o dan Gynllun Grantiau Cymunedol Ceredigion / Cronfa'r Degwm**
Nodwyd yr adroddiad.
- 41 **Nodi Adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Canfyddiadau Adroddiad Cynnydd Ansawdd Aer 2023, yn unol â Rhan IV o Ddeddf yr Amgylchedd 1995 - Rheoli Ansawdd Aer yn Lleol gydag adborth gan y Pwyllgor Trosolwg a Chraffu**
Nodwyd yr adroddiad a'r adborth o'r Pwyllgor Trosolwg a Chraffu Cymunedau Iachach.
- 42 **Unrhyw fater arall y penderfyna'r Cadeirydd fod arno angen sylw brys gan y Cabinet**
Dim.

**Cadarnhawyd yng Nghyfarfod y Cabinet a gynhaliwyd ar
3 Medi 2024**

Cadeirydd: _____

Dyddiad: _____

Mae'r dudalen yn wag yn fwriadol